

Feestsangkje.

WIJZE: *Daar gaat nu mijn Kloris vol moed met zijn vrinden.*

Lit nou ús de soargen in poaske forjitte
 Wij meije sa fleurich hjir by enoar sitte;
 Hwa wit it honear ús dit wer barre mei?
 Dit is dôch gjin pretsje fen kom alledai.

Lit dompers mar grine, lit dwersdriuwers tsiere,
 Lit oaren yn tsjustere saken omriere;
 Lit ús ljeaver sjonge, hwent haters fen sang
 Binn' haters fen 't goede, dat witte wy lang.

Wy moatte alle dagen safolle biskreppe,
 For'n hopen bilangen ús warre en ús reppe,
 Nou binn' wij ris efkes fen 't ketting en frij
 Op 't feest fen ús Boalserter priiskolverij.

En dêrom, goe frjeunen, lit fleurich ús sjonge;
 Helje op mar, mei oandrang, lit los
 (mar de tonge!

Wy hoopje, dat dit yette faken hjir nei
 Op 't feest fen ús kolven ús wer barre mei.

